

中華民國四年十二月十一日星期六第八十二號

貴州政治公報

貴州巡按使署發行

中華民國郵政特准掛號立券之報紙

目錄

(一) 大總統令

(二) 內務

巡按使杜濬龍呈報詳述地方自治第一期籌辦調查表冊由
又杜濬龍呈報各縣自治籌備情形由
又杜濬龍呈報各縣自治籌備情形由

(三) 財政

巡按使杜濬龍財政廳詳報官署縣社財政項並不遵飭先行填表函報詳請各
知事記過一次以示懲戒由
(附原詳)

(四) 司法

巡按使杜濬龍呈報高審分庭與各縣公文格式一案由
巡按使杜濬龍呈報高審分庭與各縣公文格式一案由
巡按使杜濬龍呈報高審分庭與各縣公文格式一案由

巡按使杜濬龍呈報高審分庭與各縣公文格式一案由
巡按使杜濬龍呈報高審分庭與各縣公文格式一案由
巡按使杜濬龍呈報高審分庭與各縣公文格式一案由

(五) 教育

巡按使杜濬龍呈報桐梓縣教育經費案由

(六) 實業

巡按使杜濬龍呈報桐梓縣教育經費案由

(七) 軍政

巡按使杜濬龍呈報桐梓縣教育經費案由

(八) 交通

(九) 外交

(十) 附錄

司法 不再加印之文件

○內務

巡按使批

據甕安縣詳送地方自治第一期籌辦調查表冊由

詳及表冊均悉該縣籌備自治事宜既經該知事遴委員紳分期辦理查閱第一期籌辦調查各項表冊大致亦頗不差惟冊列自治經費第五款第五項內稱自議會取銷後自治財產悉歸國家行政衙門管理租息作國家行政用途等語究竟作國家行政何項用途曾否詳奉批准開支且所有自治經費已支若干有無提存暨提存幾何未據明白聲叙礙難核辦所擬自治區地點及區數與保衛團區段有無聯絡關係查該縣保衛團係分八區現在自治祇分四區是否以保衛團之兩區合組一合議自治區以期簡易而便進行應併由該知事切實查明詳候核辦其第二期籌備需若干日亦應酌察情形訂擬具報

以憑彙核仰併遵照辦理切切此批

又批

據禁煙委員會詳禁煙情形由

詳悉該委員於到縣次日即赴各鄉查禁向民苦口勸導辦理尚是惟黃花寨一處今春既經抗種難免愚民不貪利忘害復種罌粟該委員應親往該處剴切開導嚴申禁令以杜後患而警頑民乃僅由該縣出示曉諭飭團告誡殊太疎濶仰該知事於奉批後即赴該處認真調查以免團甲陽奉陰違毒卉滋生其餘各鄉雖經該委員此次調查尚無偷種情事仍應隨時派員按查並親歷一週以期周密該知事須知此事責無旁貸未可以地面遼濶難以週歷無遺為推卸地步也此批

○財政

巡按使批

據財政廳詳紫江等縣批解款項並不遵飭先行填表函報應將各該知事記過一次以示懲戒由

詳悉如詳將紫江等縣各該知事記過一次以示懲戒除註冊外仰即分飭知照此批

附原詳

詳為紫江等縣批解款項並不遵飭先行填表函報擬請

鈞使將各該知事記過一次以示懲戒事案查各屬局批解款項除正式公文投解外應將起解款目及日期函封交郵報告本廳查核節經通飭遵辦在案查此項表式所以杜承解人虧挪掉換及任意壓擱等弊原為慎重公

款起見鑒於前次恒陞書屋虧挪捲逃不得不防之於未然各縣遵辦者固
自不乏乃紫江等縣自接奉通飭以後迄未遵行殊屬任意玩違若不稍予
懲處將何以儆其餘擬請

鈞使將紫江等縣各記小過一次以為玩視要公者戒所有以上緣由理合
開單詳請

查核施行謹詳

貴州巡按使龍

署財政廳廳長張協陸

○司法

巡按使批

高等審判廳議覆高等分廳與各縣公文程式一案由

查此案前據貴西道轉詳到署當經本使署一面飭廳議覆一面電詢湖北安徽各省辦法藉資考鏡旋據電覆各該省分廳分庭對於各縣公文程式與本省辦法均屬相符茲復據該廳核議前來該知事原詳各節殊多誤會既經該廳詳請 部示現在未奉部覆以前自應仍照原案辦理仰候飭行貴西道轉飭遵照此批

巡按使飭 第六五四五號

據貴西道詳盤縣知事劉汲之詳高等分庭對於各縣公文程式不無疑義等情一案由

為飭遵事案查前據該道尹轉詳盤縣知事劉汲之詳高等分庭對於各縣公文程式不無疑義等情到署當經批飭高等審判廳妥議具復並由本使署電詢安徽湖北等省辦法各在案茲據各該省電復湖北高等分廳安徽高等分庭於各縣公文程式仍用詳飭與本省辦法一致頃復據該高審廳議復前來反復解釋理由甚當現在該廳詳請 部示尚未奉覆自應仍照原案辦理除批迴外合亟抄發原電原詳飭仰該道尹遵照仍即轉飭該知事遵章辦理須知高等分庭係代高等審檢廳執行職權與兼理司法各縣有直接正式統系之關係用詳用飭乃權限職責之問題非官廳階級之問題勿再誤會致生隔閡一俟奉到

部覆再行核飭遵辦切切此飭

巡按使龍建章

右飭貴西道道尹劉顯潛准此

又批

據高檢廳詳請核示監犯病故可否仍應飭由鄰縣相驗一案由

詳悉查各屬監犯在監病故相驗辦法前經本署第一三八七號通飭所屬一體遵辦嗣因各縣知事辦理插花亟須親詣會勘劃撥期限甚迫所有指派會審會驗事件不能分身辦理而命盜要素急待印委會審會驗明確者未便因此延擱不能不酌委附近釐員前往審驗以省周折業由本署飭知財政廳轉飭所屬各釐員遵照辦理各在案茲查該前獨山縣張知事炳奎詳報監犯何全生病故咨請釐員會驗實非故違現在各屬插花業經劃撥完竣嗣後各縣監犯病故自應仍照前飭咨請鄰縣相驗以昭劃一仰即轉飭各縣一體知照切切此批

又批

據婺川縣詳覆申義和上訴申三毛一案請核示由

詳悉此案申三毛果無搶擄情事申義和虛偽告訴已觸犯刑律一百八十二條之罪來詳稱其不應將申義和毆傷無論傷之程度如何申三毛均觸犯三百十三條之罪本案既涉刑事範圍何得准其和息銷案該知事豈不知違法耶姑念案已了結免予置議嗣後刑訴案件不得任意和解致干嚴議仰即遵照勿違切切此批

又批

據修文縣詳報扎佐分縣交代一案由

詳悉該分縣交代應俟財政廳及黔中道詳轉前來再行核辦仰即知照切切此批

○司 法

高等審判廳批

第二四六零號

據桐梓縣詳報審判盜犯阮癩子等一案由

詳判均悉查懲治盜匪法第五條附具全案之規定所謂全案即該案供勘判詞清冊是也本廳前因各該知事辦理程式紛歧業於本年六月第六七七號通飭一律遵辦在案該知事既不解全案兩字豈本廳通飭亦尚未寫目耶至特別法與普通法程序各有不同規定極為明白該知事稱適用普通法之犯仍是適用懲治盜匪法第二條之規定即與通用特別法無異等語獨不思懲治盜匪法第二條係載犯刑律第三百七十三條之罪者得處死刑其得字非唯一死刑之謂此案該犯詹友既未判處死刑即不在該法第二條範圍之內何得謂為與特別法無異至特別法之飭令再審與普通法之發還覆審其規定

亦各有不同懲治盜匪法第九條明明載有認為有疑誤時得飭令再審或派委會審乃來詳稱如須再審似未合法定再審條件想係覆審之誤等語該知事既不諳法令尚復嘵嘵辯誤解法律已屬非是且查盜匪案件詳由本廳轉報應送供判二份以便存轉業經本廳第六七七號通飭照辦在案茲該知事僅備一份亦屬疎漏其判詞載謄本二字究係依普通法程式抑依特別法程式殊不可解該知事辦理此案前後謬誤之點已不一而足乃不引咎自責來詳竟詞氣悻悻尤為荒謬惟據稱遵飭再審詳請核轉前來仰即聽候轉報一俟批發再飭遵辦可也

○教育

巡按使飭

飭平舟縣遵辦省視學詳報該縣學務情形一案由

為飭知事案據第四區省視學羅國本詳報該縣學務情形到署據稱該縣勸學所現正組織何時始克成立速即詳報又該視學計畫書第六條稱該縣沿河一帶有平原空地數百畝氣溫土肥堪作桑區苗圃及設置蚕桑講習所之用既與該知事會商辦法有應積極進行宣講為當今要政迭經通飭舉辦該縣宣講所何以尚未成立應迅速設置委定講員督飭逐日講演勿再因循除計畫書第七條改良私塾請由官廳經費補助一層未便照准外其餘着照該視學所陳各節切實執行並分別轉飭辦學人員查照改良勿得因循敷衍致碍學務合行摘錄該視學報告及計畫書飭仰該知事遵照辦理並將辦理情

形具覆以便派員續查此飭

計報發視學報告一件

此按使龍建章

右飭平舟縣知事

准此

此按使批

據貴西道詳安南縣講演報告表並職員冊由

詳及附件均悉查宣講為通俗教育之一應按照講案詳晰講演使聽者咸曉然其中意義愛國說及實業廣訓息訟白語等書應闡發之要義甚多斷非一二小時所能講畢茲閱來表多於二小時內講演兩項或至三項難保其敷衍捏報等弊應由該縣知事督飭各該講員先將各書悉心討論再行詳細講演嗣後此項報告表務須切實填報不得稍事鋪張致干查議至各講員履歷應由該知事查取首領一覽表式尅期填造五份另文詳報餘照所擬辦理仰即轉飭遵照此批

○實業

續登遵義勸學員長余鏡陳送山蠶講義請示由

第三節 相山三

相山之法宜土厚而石埋平多而凹少石多則蛇與癩蝦蟆皆易潛藏足為蠶害且烈日當空蠶或墜下腹背受敵萬無生理也凹多則風不常到毛蟲易生混亂食葉而溼氣既重害蠶尤甚他如雜木森二俗名站樹必斫除之使鳥無所棲然過多亦費勞役

第四節 相山四

蠶最忌霧着之甚者死不甚亦病班不能作繭山有空穴雨欲晴晴欲雨時霧最甚相蠶山者謹避之故有烟瘴之地斷不可蠶又避蟻穴蟻穴中長出簾籬葉最肥但蟻能咬蠶使墮又兼蟻緣葉遊使蠶終日搖頭食葉不安皆相山時

所宜注意者也

第五節 榉樹一

有所謂不落樹者以其葉經霜雪不墮落得名一名榉葉大如掌其長而尖者名柞總而名之曰不落皆山桑類山蠶之所食也其訛音則為欽蘿故大葉榉名大欽蘿小葉榉名小欽蘿又有尖葉欽蘿者曰櫟遵義人概名之曰青桐又名椴其中固有差別然皆欽蘿類也

第六節 榉樹二

榉與櫟大致相類而各有不同櫟葉短厚光滑食蠶可早眠早起惟葉盡易發而蠶則易病不如榉葉之氣味平和榉葉長者五六寸捫之滯手其所結之實櫟長而細榉大而圓中有仁均可食開花則榉稍早於櫟櫟葉常青榉葉冬零但櫟少種之又遲於榉故多以為材而不以食蠶也

第七節 榉樹三

青桐之名不一除水青桐可為材而不以食蠶外又有扶櫟青桐者亦不可食蠶其粗大而色較青俗又呼為櫟櫟即所謂虎皮青桐是也然山東人謂遵義青桐為櫟櫟而遵義則指葉青且大之一種故又有家青桐之俗名以別之至湖南湘沅之間又謂遵義青桐為櫟木而謂遵義櫟櫟為青桐乃方言之小異耳

第八節 辨樹四

青桐樹葉類橡而小結子與櫟樹同其種有三一枝幹色稍黑而葉味甜宜於養蠶熟須五六尺高以下者勿去其腳葉春初發芽則子蠶破衣易於上樹至枝幹有白斑者即為虎皮青桐葉苦不宜食蠶為其成薄而絲少故也又有葉赤色而味辛者蠶不喜食食亦不肥大

第九節 辨樹五

橡樹在黔省上游名曰青桐下游名曰麻栗其葉多稜結子則上圓下尖狀如蓮子名曰橡子橡子落地以土掩之則可發芽成樹一名象耳其房名椹謂之

椽碗可以染皂然又有細皮粗皮圓葉尖葉之不同細者食蠶則絲多粗者食蠶則絲少圓者味甘尖者名轉轉粟則味苦

第十節 辨樹六

詩小雅有云維柞之枝其葉蓬蓬據鄭氏詩箋知其新葉將生故葉乃落此大葉簞籬之名所由來也其種亦有分別焉樹皮紅者名紅柞樹皮白者曰白柞葉皆青色似柳葉而較寬經霜不落結子與青桐同而較大蠶食柞葉可以作絲至其名柞實名柞名杆雖小有異而形狀要不可易也

未完

○軍政

巡按使飭 第六五九八號

飭各道轉飭所屬分別任用保衛團學兵一案由

為飭遵事查保衛團總局教練所學兵由各縣選送入所肄業原為畢業後派往各團教練團丁之用前據該局詳送畢業學兵名冊到署業經通飭選任在案現據各屬詳報有因地方款項支絀尚未實行抽丁操練者有因原送名額過多未能悉數委用者其選任學兵之多寡即視經費之盈絀為斷查此項學兵均係年富力強學有成效若不實行任用致令賦閒殊屬可惜且與送學之旨相背茲特明白規定所有此項畢業學兵應由各縣分別派充保衛團暨警備隊教練如有餘額即行詳送該管道尹酌量派入警備隊分司令部揀用除分行外合行飭仰該道尹查照並轉飭所屬各縣遵照辦理仍將辦理情形報

查切切此飭

巡按使龍建章

右飭

鎮遠道尹林炳華

黔中道尹尹昌齡

貴西道尹劉顯潛

准此

通飭

此項公文不再印發各署收到
抽出照辦辦後歸卷不得遺失

○司法

貴州高等檢察廳飭 第二五零五號

通飭 地檢廳 通緝人犯一案由 不再加印

為通飭嚴緝事案查本廳十月內迭奉

總檢察廳並各省公函通緝各犯合行開具該犯等姓名案由飭仰該 廳一 體

嚴緝務獲解究切切此飭

計開

黃宗炎年約四十歲湖南甯鄉縣人曾在江蘇充當律師

右一犯係因胞弟黃乾生妻黃周氏在湖南省城競能工廠充縫織教員宗
炎同胞弟乾生到廠逼令回家當眾責辱周氏羞憤服苛性曹達水斃命經
長沙地方廳起訴逃逸未獲准湖南高檢廳函請通緝

楊保林湖南藍山縣人祖籍湖南甯遠縣年二十九歲身長體胖面黑業宰匠
楊成古即楊盛揮湖南藍山縣人祖籍湖南甯遠縣年二十六歲身中體中面
黑業農

曹李氏湖南藍山縣人年二十八歲身中面髮均帶紅色

右三犯係楊成古與曹吉賜妻曹李氏通姦圖娶不遂成古與其兄保林攔路
將曹吉賜之父曹興毆斃在逃未獲准湖南高檢廳函請通緝

徐盈科合肥縣人年三十歲身矮小面尖

姚長盛合肥縣人年四十三歲身胖面圓

吳廣富合肥縣人年二十九歲身中面圓有黑斑兩足有瘡

石隆有廬江縣人年二十九歲身長面黃頸後有刀痕

王志茂合肥縣人年二十九歲身中面圓嘴唇有刀痕

王遇安合肥縣人年三十二歲身中面圓滿面黑細麻

石隆發廬江縣人年三十五歲身中

以上七犯均民國元年前都督飭拏股匪案內拏獲詳准將該犯石隆發
徐盈科各監禁十四年姚長威吳廣富各監禁十二年石隆有王志茂王
遇安各監禁八年

李德松河南光山縣人年二十六歲身長面方左腿有黑痣黃崇恩家被劫案
內正盜判處一等有期徒刑十四年又十個月之犯

陶 三即陶守春河南商城縣人年三十七歲身長面尖鬚禿趙泗濱家被劫
案內正盜判處一等有期徒刑十二年之犯

右九犯係安徽郎溪縣毀壞柵門拒傷看守越獄之犯奉

總檢察廳飭通緝

曾阿生

右一犯係在廣州犯和誘營利罪經廣州地方廳判決斬頂冒犯施打嗎啡

罪之錢海名姓送監執行期滿釋放被巡兵查知報由地檢廳查訊錢海堅
不供認查對指印並提被誘之黎三妹質認確係頂替由檢察廳起訴緝案
未獲准廣東高檢廳函請通緝

杜配元年二十七歲廣東順德縣南洋監獄畢業清遠縣管獄員

右一犯係因剋扣囚糧侵餽脩監工銀畏究携款械潛逃准廣東審檢廳函
請通緝

編輯

貴州巡按使署

印刷

貴州巡按使署印刷室

發行

貴州巡按使署收發處